

CONVENIO DE COLABORACIÓN ENTRE A CONSELLERÍA DE EDUCACIÓN, CIENCIA, UNIVERSIDADES E FORMACIÓN PROFESIONAL, A DEPUTACIÓN PROVINCIAL DE PONTEVEDRA E O CONCELLO DE ARBO PARA A EXECUCIÓN DO PROXECTO DE "MELLORA DA MOBILIDADE PEONIL NA EP-5201 ARBO-CABEIRAS-BARCELA, DO P.Q. 0+000 AO P.Q. 0+200. CONCELLO DE ARBO"

MEMORIA XUSTIFICATIVA

O secretario xeral técnico da Consellería de Educación, Ciencia, Universidades e Formación Profesional

DECLARA:

Que a Consellería de Educación, Ciencia, Universidades e Formación Profesional formalizou coa Deputación Provincial de Pontevedra e o Concello de Arbo o instrumento convencional arriba referido por un período de vixencia que abrangue dende o día da súa sinatura e manterá a súa vixencia ata o 31 de decembro de 2026.

Que o instrumento convencional ten por obxecto o establecemento das condicións que rexerán a colaboración entre a Consellería de Educación, Ciencia, Universidades e Formación Profesional, a Deputación de Pontevedra e o Concello de Arbo para a execución do proxecto de "MELLORA DA MOBILIDADE PEONIL NA EP-5201 ARBO-CABEIRAS-BARCELA, DO P.Q. 0+000 AO P.Q. 0+200. CONCELLO DE ARBO".

Que existe converxencia de intereses entre as entidades asinantes en orden á consecución obxecto referido.

Que o instrumento convencional asinado fundamentase no seguinte:

Primeiro.- Que a Consellería de Educación, Ciencia, Universidades e Formación Profesional é, conforme ao Decreto 138/2024, do 20 de maio, polo que se establece a estrutura orgánica da Consellería de Educación, Ciencia, Universidades e Formación Profesional, o departamento da Xunta de Galicia ao que lle corresponden, entre outras, as competencias e funcións en materia de



planificación, regulación e administración do ensino regrado en toda a súa extensión, niveis, graos, modalidades e especialidades.

Segundo.- Que a Deputación de Pontevedra está concienciada sobre a necesidade de aumentar a seguridade viaria en toda a rede de estradas da provincia, facendo especial fincapé nos treitos que transcorren por espazos urbanos ou núcleos rurais dos distintos concellos, dando cumprimento a asistencia que debe prestar segundo disposto no artigo 36 LBRL. Por ese motivo, o organismo provincial quere levar a cabo intervencións neste senso no seu propio viario e está a facer una replanificación profunda e conceptual das actuacións en materia de mobilidade, con especial fincapé na protección dos colectivos máis vulnerables: peóns, ciclistas e persoas con mobilidade reducida. O obxectivo é conformar un contorno viario seguro e tranquilo, fomentando a convivencia de todos os medios de transporte e sistemas de desprazamento, así como repartir de xeito equitativo o espazo público. Quérese garantir que vías provinciais ofrezan unha mobilidade universal nun espazo continuo de seguridade viaria.

Terceiro.- Que os convenios entre as Administracións Públicas constitúen o instrumento adecuado para desenvolver a súa cooperación en cuestións de interese común, tal como establecen os art. 47 e seguintes da Lei 40/2015, de 1 de outubro, de réxime xurídico do sector público, 57 da Lei 7/85, de 2 de abril, reguladora das bases do réxime local e 198 e seguintes da Lei 5/97, de 22 de xullo, de Administración Local de Galicia.

Cuarto.- Que o artigo 36 da Lei 7/1985 e os artigos 109 e 110 da Lei 5/1997 encomendan ás deputacións a que dirixan a súa actividade a asegurar a prestación integral e adecuada dos servizos de competencia municipal, a tal efecto, e co fin de posibilitar a consecución real e efectiva dos mesmos, é polo que se instrumenta o presente convenio dirixido ao cumprimento das obrigacións impostas pola normativa vixente.

Quinto.- A Consellería de Educación, Ciencia, Universidades e Formación Profesional da Xunta de Galicia comparte a necesidade de mellorar a seguridade viaria no entorno do CEIP Antonio Carpintero, tanto de tráfico rodado como de peóns, que garanta a asistencia do alumnado ao citado centro educativo en condicións de seguridade, valorando especialmente que se trata dun centro que imparte educación infantil e primaria.



Na actualidade, no treito comprendido entre o P.Q. 0+000 e o P.Q. 0+200 da E.P. 5201 Arbo – Cabeiras - Barcela, que da acceso ao CEIP Antonio Carpinteiro, non existen espazos cun ancho adecuado para que as persoas se despracen de forma cómoda e segura e tampouco existen espazos adecuados para que os autobuses escolares poidan realizar as manobras necesarias de xeito seguro e sen por en perigo aos usuarios máis vulnerables da vía, polo que é necesario realizar unha reestruturación do espazo público. Co fin de executar unha actuación que permita unha mellora da mobilidade peonil para solucionar os problemas de inseguridade que se producen diariamente

A actuación consiste na creación dun itinerario peonil en ambas marxes da vía entre o P.Q. 0+000 e o P.Q. 0+200 da EP 5201 mediante a execución de beirarrúas segregadas do tráfico motorizado e a adecuación dun espazo para a realización de cambios de sentido na contorna do P.Q. 0+180.

Sexto.- Que a sinatura deste convenio responde á necesidade de delimitar claramente a circulación do tráfico rodado e peonil, segregando os espazos co fin de crear itinerarios peonís seguros para os colectivos máis vulnerables, sempre baixo as premisas de buscar un deseño que sexa comprensible, utilizable e practicable por todas as persoas en condicións de seguridade e comodidade.

Sétimo.- Que a Consellería de Educación, Ciencia, Universidades e Formación Profesional considera de interese público a participación e apoio nas accións obxecto deste convenio para acadar unha maior eficacia na execución das actuacións, dado o interese común das partes asinantes.

Este convenio de colaboración implica a concesión dunha subvención directa ao abeiro do disposto no artigo 19.4.c) da Lei 9/2007, do 13 de xuño, de subvencións de Galicia, xa que as partes entenden que é de **interese público** colaborar para a execución do proxecto.

No que respecta a **imposibilidade de promover a concorrência**, e ao abeiro do disposto no citado artigo 19.4.c) da Lei 9/2007, do 13 de xuño, concorren neste suposto causas que dificultan a súa convocatoria pública.

Por unha parte, a falta de recursos dun pequeno concello para poder acometer as devanditas actuacións, nun marco orzamentario restritivo, de austeridade e control do gasto público e, asemade, necesariamente estable por imperativo legal para as entidades que integran a



Administración local, configuran un contexto do que se derivan, entre outras consecuencias, a imposibilidade para o concello de afrontar en solitario os compromisos económicos que supoñen estas actuacións.

A existencia de acordo entre as tres administracións públicas para a realización da presente actuación de creación dun itinerario peonil en ambas marxes da vía entre o P.Q. 0+000 e o P.Q. 0+200 da EP 5201 mediante a execución de beirarrúas segregadas do tráfico motorizado e a adecuación dun espazo para a realización de cambios de sentido na contorna do P.Q. 0+180, contando con financiamento tanto da Deputación provincial, titular da estrada, como da Consellería, da que depende o CEIP Antonio Carpineiro, como se indicaba, e buscando crear itinerarios peonís seguros para o alumnado.

Concorren así, aos efectos do establecido nos artigos 19.4.c) e 26.2 a) da Lei 9/2007, do 13 de xuño, de subvencións de Galicia, e 36.c) e 40.1a) do Regulamento da dita lei, aprobado polo Decreto 11/2009, do 8 de xaneiro, razóns de interese público para o outorgamento da subvención, dado que só se pode asinar o convenio coa Deputación provincial de Pontevedra, como titular da estrada e co concello de Arbo, polo cal descorre, e supoñendo unha mellora tanto para a prestación do servizo público educativo, como para a mellora da seguridade vial da veciñanza.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura deste instrumento convencional, con exclusión doutras figuras.

E para que conste, asíñase esta memoria, en Santiago de Compostela

O secretario xeral técnico da Consellería de Educación, Ciencia, Universidades e Formación Profesional

Manuel Vila López

